

疫證治例

疫證治例醫案卷四

湘鄉太廟子朱增籍蘭臺氏著

壻戴長銓鏡渠校字

男光馥樹桂

全參訂

及門諸子

沴邪蘊蒸肌表服蘆根方表解而入府之邪不

隨之而解通其裏餘邪復還表而解一則

余性僻好山水戊子九月望後率男光馥歷覽龍山

至廿六日族人邀診遣男歸廿九日遇門人方正告
余曰樹桂於廿六夜抱病自服麻桂不應昨主麻桂
敗毒散必效先生可無慮余心亦適初一日接歸詢
屬傷寒太陽證服青龍敗毒五積等方七八劑汗不
出而發熱更甚熱極時微覺惡寒欲得衣被蓋覆近
日反腰痛如折口渴小便不通欲飲熱茶一噓即止
少頃又索顛倒牀褥時難耐過診之左手細數右手
氣口洪大舌薄微有白色審問閒適方正至議前此

所服之方本屬對證。不惟不愈。而反腰痛如折。小便
閉。恐患房事。命正問之曰。否。予不以爲然。用溫託之
劑。腰痛愈。小便通。乃與正議。用小柴胡湯。加陳皮。白
芍。二三劑。熱渴更甚。病更難耐。周察至夜半。思索病
原。如此處治而不應者。必前感山嵐。疹氣故爾。夫疹
氣中人。由口鼻入。直干肺胃。肺主皮毛。胃主肌肉。其
邪透發於肺胃所主之分。故蒸蒸發熱。微覺惡寒。欲
得衣被蓋覆也。邪在肌表。屬肺胃氣分。故口渴而頻。

索茶水邪氣蘊蒸於表必致吸動裏溼故口雖渴而喜熱一噓卽止少頃又索也舌薄微白邪在肌表尙未入裏也其脈氣口洪大屬肺胃之部也肺胃受邪惟蘆根能直達其所乃手定蘆根方顧謂方正曰此方決效一日一夜連服三四劑大汗出蒸熱退舌白除翼日方正來視喜而告曰斯病斯方何其神也余曰肌表之邪雖解而入裏之機已兆汝知之乎方愕然余曰汝不徵之舌色乎微白雖去而深紅紫赤必

須下之。昨日大熱而不敢下者，恐表邪陷裏也。今日熱退而欲下者，端倪已露於斯也。不下必至變生。遂主大柴胡湯，加硝，兼以大黃一味，蜜凡與之。正義高情篤。周視一日一夜，四鼓連下三四次。先鞭後澹，裏氣一通，渾身發疹，乃止服。仍以蘆根方數劑而愈。後以薄荷白朮散調治。

疹邪與正氣混合游行上下服蘆根方微汗疹
出病似小愈加託裏藥乃得大汗全解一則
族瑾泉之次子棣志體素羸弱經余治乃成立庚寅
五月十二日在寶郡染時疫發表清裏不應十八日
歸十九日延余治渾身厥冷喜笑舌胎黃黑牙根腐
爛齒黑昏晦小便黃大便微溏神明欠清呻言熱氣
衝上溜下無可奈何其脈中取四至諦思良久病重
若此而脈不浮不沈不遲不數必是疫邪橫據膜原

勦之爲要。脣舌乃邪氣薰蒸。不可以小便黃一證認作裏熱。厥冷乃邪信正誦。不可以大便溏一端誤作陰寒。其心神脅亂喜笑者。診邪上干膻中。疫病常情不足爲怪。倣吳氏達原飲。取草菓之臭與疫同氣。直達病所。檳榔厚樸直搗中堅。甘草解毒去知。芍黃芩無使淹溜陽氣。不得外達。加人蔘扶其正氣。羌活葛根柴胡提出三陽表分。俟陽信厥解。再爲處治。服二劑。次日診之。果厥解而神明稍清。自知一團熱氣無

有定所時而衝於心胸時而溜於臍腹時而注於喉
關肩臂時而遊於背脊跖脛一至其處初按之在是
細審之卻又不在是其煩熱不可名狀細揣病情與
吳氏所論邪據膜原不同此是沴氣從口鼻而入直
干肺胃氣道邪正混合隨氣升降周流軀殼所以上
下無常往來不定欲出不出外不干經欲入不入內
不干府草菓檳榔徒耗清空之氣恐致變生不測憶
前歲因小兒光馥病疫悟出蘆根方證雖殊而治大

同。遂。用。其。方。徑。清。疫。熱。提。邪。外。出。使。邪。干。血。分。則。從。斑。解。邪。干。氣。分。則。從。汗。解。聽。其。自。然。服。一。劑。果。斑。出。三。四。劑。諸。證。皆。除。瑾。喜。曰。病。愈。矣。余。曰。未。也。沴。氣。蘊。蓄。餘。邪。難。盡。方。內。須。加。淺。耆。防。風。歸。地。輩。力。行。拖。解。使。餘。邪。皆。從。外。出。服。至。五。六。劑。衄。數。口。渴。發。熱。熱。極。時。反。覺。惡。寒。欲。得。衣。被。蓋。覆。促。令。再。服。一。劑。口。更。渴。熱。更。甚。瑾。以。熱。茶。數。盃。與。之。助。其。氣。液。鬱。蒸。大。汗。而。解。翼。日。熱。退。身。涼。四。肢。如。在。井。泉。中。出。身。體。尚。津。津。

汗出。隨用人蔞黃耆當歸桂枝湯。加蘆根等味。以復其體。

疹邪纏綿日久欲出不能服蘆根方表氣通汗
出發疹漸解一則

朱君倬雲庚寅四月十九日染病經李君融峯調治
至五月初十日延余診之。脈中取帶數壯熱無汗微
覺惡風其熱入暮更甚精神困倦舌邊肉色暗晦中
心黃兩邊黑兩耳氣逼若瀑布聲若雀噪聲若金鼓
聲萬籟交集殊難耐過細審此病雖纏綿日久疹邪
猶在中道壯熱微覺惡風是邪欲出表而未能兩耳

氣逼是疹邪薰蒸三焦膽府府受邪蒸必循少陽脈道而上擾空竅故有萬籟交集殊難耐過之狀舌胎黃黑在傷寒多屬下證而在疫病不足爲憑與李君商及小子光馥病狀欲進蘆根方李君稱善遂主蘆根方加人蔞歸芍扶正柴胡提邪一服汗出發疹二三服舌胎減五六服熱漸退議用清補兼投以善後余他往得李君調理而安

表氣通裏氣隨通下血塊一則

申寅莊抱病。詣余治。云初起發熱惡寒。身體痛。服表劑後。身痛稍減。現頭顱猶悶。內府揮霍撩亂。無可奈何。問其所苦。莫名其狀。舌胎黃白。審的是疫。卽主蘆根方。兼口苦咳嗽。加柴胡黃芩。桔根花粉麥冬。次日又詣余治。云病已愈。服一劑汗出。二劑五鼓時下黑血塊極多。諸證皆除。今日請更方。余曰不須更。再服二三劑。以散餘毒。自然體復。庚寅

